

汉魏丛书

漢魏丛书

大同志

晉 常璩著

古者國無大小必有記事之史。表成著敗以明懲勸。稽之前代。州郡宜然。自劉氏祚替。金德當陽。天下文明。不及曩世。近以多故。族祖武平府君。漢嘉杜府君。竝作蜀後志。書其大同。及其喪亂。然近在李氏。末相條貫。又其始末。或有不詳。第璩往在蜀。櫛沐艱難。備諸諸故事。更序次顯挺年號。上以彰明德。下以治違亂。庶幾萬分有益國史。以廣識焉。

魏咸熙元年，蜀破之明年也。以東郡袁邵爲益州刺史，隴西太守安平牽宏爲蜀郡金城太守，天水楊欣爲犍爲太守。後主旣東遷，內移蜀之大臣宗預、廖化及諸葛顯等，并三萬家於東及關中，復二十年田租。董厥、樊建並爲相國參軍，冬分州置梁州，遣厥建兼散騎常侍，使蜀慰勞。

晉泰始元年春，刺史袁邵以治城將被徵，故蜀侍郎蜀郡常忌詣相國府陳邵撫卹有方，遠國初附，當以漸導化，不宜改易州將，失遐外心。相國聽留，辟忌爲

舍人冬十月晉武帝踐祚

二年春武帝宏納梁益引援方彥用故黃金督蜀郡
柳隱爲西河巴郡文立爲濟陰太守常忌河內縣令
四年故中軍士王富有罪逃匿密結亡命刑徒得數
百人自稱諸葛都護起臨邛轉侵江原江原方畧吏
李高問術縛富送州刺史童策斬之初諸葛瞻與鄧
艾戰於綿竹也時身歿失喪或言生走深逃瞻親兵
言富貌似瞻故富假之也

五年散騎常侍文立表復故蜀大臣名勲後五百家

皆依故官號爲降。

六年分益州南中建寧雲南永昌興古四郡爲寧州。
七年汶山守兵呂臣等殺其督將以叛族滅之初蜀
以汶山西五郡北逼陰平武都故於岷要置守自汶
江龍鶴冉駝白馬氏種五圍皆置修屯牙門晉初以
御夷徼因仍其守。

八年三蜀地生毛如白毫。三夕長七八寸生數里。

十年汶山白馬胡恣縱掠諸種夏刺史皇甫晏表出
討之別駕從事王紹等固諫不從典學從事蜀郡何

旅諫曰。昔周宣王六月北伐者。獫狁孔熾。憂及諸夏。故也。今胡夷相殘。戎虜之常。未爲大患。而盛夏出軍。水潦將降。必有疾疫。宜須秋冬圖之。未晚。晏不聽。遂西行。麇入營中。軍占以爲不祥。晏不悟。胡康燒香言軍出必敗。晏以爲沮衆斬之。夏五月。軍至都安屯觀坂上。旅復諫曰。今所安營地名觀坂。自上觀下。反上之象。徵不吉。昔漢祖悟栢人。以免難。岑彭惡彭亡而不去。遂陷於禍。宜移營他所。晏不納其言。夜所將中州兵蔡雄。宜班。張儀等。以汶山道險。心畏胡之強。晏

復復諫于時衆庶所怨遂引牙門張宏督張衡等反殺晏衆夜亂不知所爲惟兵曹從事犍爲楊倉彎弓力戰射百餘發且詈。雄衆擊之盡見殺從事廣漢王紹亦越之歿。初晏未出蜀中傳相告曰井中有人學士靳普言客入東井井益州之分野憂刺史戒客人耳。又有猛風是逆風其日觀卦用事若軍西行護觀坂門人向天井益可慮也。故旅勸諫云卒如其言宏等遂誣表晏欲率已共反故殺之求以免罪其衆抄掠百姓廣漢主簿李毅白太守宏農王濬宜急救益

州禍亂。保晏無惡。必爲宏等所枉害。濬從之。而晏主簿蜀郡何攀。以母喪在家。聞亂。釋纓經詣洛。訴晏忠孝。而宏等惡業。事得分明。詔書因以濬爲益州刺史。加輕車將軍。濬斬宏等。益州平。

咸寧三年春。刺史濬誅健爲民陳瑞。瑞初以鬼道惑民。其道始用酒一斗。魚一頭。不奉他神。貴鮮潔。其歲喪產乳者。不百日。不得至道治。其爲師者。日祭酒。父母妻子之喪。不得撫殯入弔。及問乳病者。轉奢靡。作朱衣素帶。朱幘進賢冠。瑞自稱天師。徒衆以千數百。

濬聞以爲不孝。誅瑞及祭酒袁旌等。焚其傳舍。益州民有奉瑞道者。見官二千石。長吏巴郡太守犍爲唐定等。皆免官。或除名。蜀中山川神祠。皆種松柏。濬以爲非禮。皆廢壞燒除。取其松柏爲舟船。惟不毀禹王祠。及漢武帝祠。又禁民作巫祀。於是俗無淫祀之俗。教化大行。有木連理。嘉禾黃龍甘露之祥。三月被詔罷屯田兵。大作舟船。爲伐吳計。別駕何攀以爲佃兵但五六百人無所辦。宜召詣休兵。借諸郡武吏并萬餘人。造作歲終可成。濬從之。攀又建議。裁船入山。動

數百里艱難。蜀民冢墓多種松柏。宜什四市取入山者少。濬令攀典舟船器仗。冬十月遣攀使詣洛表可征伐。因使至襄陽與征南將軍羊祜。荊州刺史宋庭論進取計。

四年春漢中都吏襲祚等謀殺太守姜宗以叛。宗覺堅守。祚等燒南鄭市及平民屋族誅。刺史濬當遷大司農。至漢壽重遣叅軍李毅詣洛與何攀並表求伐吳。

五年詔書并濬龍驤將軍假節監梁益二州軍事除

何攀郎中參軍事，以典軍從事張任、趙明、李高、徐兆爲牙門。姚顯、郄堅爲督，冬當大舉。秋，攀使在洛。安東將軍王渾表孫皓欲北侵，請兵。朝議征郄，須六年。攀同表可，因今取之。策皓必不自逆。帝乃許焉。冬十有二月，濬因自成都帥水陸軍及梁州三水胡七萬人伐吳。臨發，斬牙門將李延，所愛侍將也，以爭騎斬衆莫不肅。至江州，詔書進濬平東將軍、都督二州、巴東監軍、唐彬及平南軍皆受指授，別遣參軍李毅將軍由涪陵入取武陵、會巴陵。

太康元年春三月吳平攀毅以功封各有差以淮南
胡璠爲益州刺史濬遷輔國將軍初濬將征問靳普
今行何如普對曰客星伏南斗中而太白歲星在西
方占曰東方之國破必如志矣普學術不貪榮貴卒
於布衣。

三年更以益梁州爲輕車刺史乘傳奏事以蜀多羌
夷置西夷府以平吳軍司張收爲校尉持節統兵州
別立治西夷治蜀各置長史司馬
五年罷寧州諸郡還益州置南夷校尉持節如西夷

皆舉秀才廉良

八年武帝子成都王穎受封以封蜀郡廣漢犍爲汶

山十萬戶爲王國易蜀郡太守號成都內史

元康六年復以梁益州爲重州遷益州刺史栗凱爲

梁州加材官將軍楊烈將軍趙廞爲益州刺史加折

衝將軍關中氐及馬蘭羌反寇天水畧陽扶風始平

武都陰平發梁州及東羌鎮西討之不克益州遣牙

門馬元尹方棣援之以鹿車運成都米給軍糧八年

廞至州雖崇簡約而性實奢泰畧陽天水六郡民李

特及弟庠、閻式、趙肅、何巨、李遠等，及氏、叟、青、叟數萬家，以郡土連年軍荒，就穀入漢川。詔書不聽入蜀，益州勅關禁之。而戶曹李苾，按晉書李苾乃侍御史開關放入蜀。

布散梁州及三蜀界。汶山與樂縣、黃石北地、盧水胡成豚、堅安角、成明石等，與廣柔、平康、文降、劉紫利、羌有讐，遂與蟀、蚶、羌、鄧逢等數千騎，劫縣令，求助討紫利。太守楊邠撻殺豚、堅，而降其餘類，遂叛殺長史。冬，西夷校尉西平麴炳表出軍，遣牙門將孫騏爲督護，萬人征之，戰于常安，大爲胡所破。

九年炳以敗軍徵還。晉夏用江夏太守陳總爲代。胡退散。

永康元年。詔徵刺史廡爲大長祿。遷成都內史。中山耿騰爲益州刺史。折衝將軍。因廡所服佩。初廡以晉政衰而趙星黃占曰。星黃者主。陰懷異計。蜀土四塞。可以自安。乃傾倉賑施流民。以收衆心。以李特弟庠衛六郡人勇壯。厚卹遇之。流民恃此。專爲刼盜。蜀民患之。騰數密表流民剛戇而蜀人懦弱。客主不能相制。宜遷還其本土。不者與東三郡隘地。觀其情態。漸

不可長。將移秦之禍於梁益矣。又言倉庫虛無以應敵。萬一告急。必益聖朝西顧之慮。由是歛惡滕州。被詔書。已遣文武士千餘人迎滕。滕以歛未出州。故在郡。歛募庠黨羅安王利等。劫滕。大敗於廣漢宣化亭。殺傳詔者。滕議欲入州城。功曹陳恂諫曰。今州郡並治兵。怨邁日深。入城必有大禍。不如安住少城。檄諸縣合材保。以備秦氏。且觀其變。不爾可退。住犍爲西渡江原。以防非常。滕不從。冬十有二月。滕入城。登西門。歛遣親代茂取滕。茂告之而去。歛又遣兵討